

Ўзбекистон Республикаси
Президенти
Ш.М. Мирзиёевга

Ҳурматли Шавкат Миромонович,

Ўзбекистон Республикаси Президентининг 2020 йил 24 августдаги ПФ-6044-сон Фармони ижроси юзасидан ишлаб чиқилган “Лицензиялаш, рухсат бериш ва хабардор этиш тартиб-таомиллари тўғрисида”ги қонун лойиҳаси Вазирлар Маҳкамаси томонидан келишиш учун киритилди.

(қонун лойиҳаси 8 та боб, 73 та моддадан иборат)

Лойиҳани ишлаб чиқишда соҳада фаолият юритувчи 11 нафар мутахассис иштирок этди (рўйхати 1-иловада).

I. Қонун лойиҳасини ишлаб чиқиш зарурати:

☑ бугунги кунда лицензиялаш, рухсат бериш ва хабардор этиш масалалари маънан эскирган ва тарқоқ қонун ҳужжатлари билан тартибга солинган;

(ушбу соҳага оид 2 та қонун, 1 та Олий Мажлис қарори, 7 та Ўзбекистон Республикаси Президенти қарори, 2 та Ҳукумат қарори мавжуд)

☑ амалдаги қонун ҳужжатларида мазкур тартиб-таомилларнинг механизмлари, шу жумладан жисмоний ва юридик шахслар мақоми тўлиқ ёритилмаганлиги уларнинг ҳуқуқлари бузилиши ҳамда ҳуқуқни қўллаш амалиётида турлича ёндашувлар шаклланишига сабаб бўлмоқда;

(ўтказилган сўровларда лицензия ва рухсатномалар бериш рад этилган ҳолатларнинг 43,5 фоизда оғзаки ва 16,4 фоизда асослантилмаган жавоб берилганлиги, 10,6 фоизда эса умуман жавоб берилмаганлиги маълум қилинган)

☑ хорижий мамлакатларда (Қозоғистон, Грузия, Озарбайжон, Молдова ва бошқалар) мазкур муносабатлар ягона қонун билан тартибга солинган.

Шу боис, соҳага оид қонун ҳужжатлари бирлаштирилиб, замон талабларига мослаштирилган ва соддалаштирилган ягона қонун лойиҳасини қабул қилиш таклиф этилмоқда.

II. Қонун лойиҳасининг асосий қоидалари:

1) 49 та лицензиялар, 116 та рухсат бериш ҳужжатлари ҳамда 33 та хабарномаларнинг якуний рўйхатлари тасдиқланмоқда.

Мазкур қонун лойиҳасида назарда тутилмаган **янги тартиб-таомиллар турларини жорий этиш тақиқланмоқда;**

2) лицензиялаш ва рухсат бериш тартиб-таомилларининг **ягона тартиби ва ўзига хос хусусиятлари** (лицензия ва рухсат бериш ҳужжатини бериш тўғрисидаги мурожаатни кўриб чиқиш, уларни беришни рад этиш, қайта расмийлаштириш, ўзгартириш, тўхтатиб туриш, бекор қилиш ва амал қилишини тугатиш) **белгиланмоқда;**

3) **Хабардор этиш орқали** фаолиятни амалга ошириш механизмлари **илк бор жорий этилмоқда;**

(лицензиялаш, рухсат бериш ва хабардор этишда расмийлаштириладиган ҳужжатлар турлари (паспорти) Вазирлар Маҳкамаси томонидан тасдиқланади)

4) лицензиялаш, рухсат бериш ва хабардор этиш тартиб-таомилларидан ўтиш **фақат “Лицензия” ахборот тизими** орқали амалга оширилиши мустаҳкамланмоқда;

(амалдаги **80 фоиз** лицензия ва рухсат бериш жараёнларига ахборот-коммуникация технологиялари жорий этилмаган, махсус қоғоз бланкаларининг ишлатилишига 2019 йилда **13 млрд** сўм маблағ сарфланган)

Бунда уларнинг **дубликати**ни бериш, шунингдек **лицензия шартномасини** тузиш **амалиёти бекор қилинмоқда;**

5) юридик шахслар филиалларига **алоҳида лицензия ёки рухсатнома** олиш талаби **бекор қилинмоқда;**

(бунда юридик шахснинг аввал олинган лицензияси ва рухсатномасида филиалнинг манзили кўрсатилади)

6) лицензиялаш, рухсат бериш ва хабардор этиш тартиб-таомилларини бузганлик учун юридик шахсларга жарима солиш институти жорий этилмоқда;

Шу каби норма Сингапур, Грузия, Россия ва Озарбайжонда жорий этилган)

Бунда:

❖ жарима **бир ойда** ихтиёрий тўланганда унинг **70%** ундирилишига оид **рағбатлантирувчи норма;**

❖ жамоатчилик назорати субъектлари мурожаатлари асосида ундирилган жариманинг **10%** миқдорда **пул мукофоти** берилиши белгиланмоқда;

7) ваколатли органлар ташаббуси билан лицензия ва рухсатномаларнинг бекор қилиниши **фақат суд тартибида амалга** оширилиши белгиланмоқда;

8) лицензиялаш, рухсат бериш ва хабардор этишга доир талаблар ва шартларга риоя этилишини **текшириш тартиби белгиланмоқда**. Бунда:

☑ Махсус электрон тизим ёрдамида **масофавий назорат**, жисмоний ва юридик шахслар фаолиятини **жойига чиққан ҳолда текшириш**, шунингдек уларнинг фаолиятига оид **статистик ахборот** ва улардан сўраб олинган **маълумотларни таҳлил қилиш** орқали;

☑ **“хавфни таҳлил этиш”** тизими ва **жамоатчилик назорати субъектларининг мурожаатлари** асосида амалга оширилади;

(мисол учун, Қурилиш вазирлиги 2019 йилда **454 та** лицензия берган бўлсада, мазкур йилда амалдаги лицензияларнинг атиги **2 тасида** лицензия талаб ва шартларининг бажарилиши текширилган холос)

9) Вазирлар Маҳкамаси, Давлат хизматлари агентлиги ва тегишли фаолиятни тартибга солувчи ваколатли органларнинг соҳага оид **ваколатлари белгиланмоқда**.

III. Қонунни қабул қилишдан кутилаётган натижалар:

✓ соҳада **бюрократик тўсиқлар** ва давлат органларида қонун бузилиши ҳолатлари бартараф этилиб, тадбиркорларга **қулайликлар** яратилади;

✓ мазкур тартиб-таомилларга оид барча жараёнлар тўлиқ **рақамлаштирилиб**, уларнинг **шаффофлиги** таъминланади;

✓ лицензиясиз, рухсатномасиз ва ваколатли органни хабардор этмасдан фаолият амалга оширилишининг олди олинади ва юридик шахсларнинг масъулияти ошади.

IV. Қонун лойиҳасининг қабул қилиниши Давлат бюджетидан қўшимча маблағлар ажратилишини **талаб қилмайди**.

V. Қонун лойиҳаси **52 та** ташкилот, шу жумладан Вазирлар Маҳкамаси (Ж.Қўчқоров), Адлия вазирлиги, Молия вазирлиги, Иқтисодий тараққиёт ва камбағалликни қисқартириш вазирлиги, Инвестициялар ва ташқи савдо вазирлиги, Олий суд, Бош прокуратура, Давлат хавфсизлик хизмати, Савдо-саноат палатаси, Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил ҳамда бошқа идоралар билан **келишилган** (рўйхати 2-иловада).

Кўриб чиқишингиз учун киритилмоқда.


Р.Гулямов


Б.Мавлонов


Р.Давлетов

14 DEC 2020